



Vigo, a cidade que xurdiu da industria conserveira

Do 7 de novembro
ao 21 de decembro de 2014



Casa das Artes

CONCELLO
DE VIGO





Liderando el sector mar industrial
AFAACO-CECOPECA 1904-2014

Vigo, a cidade que xurdiu da industria conserveira

ANFACO-CECOPESCA

ANFACO-CECOPESCA, a Asociación Nacional que representa e lidera o sector conserveiro de produtos da pesca e da acuicultura, así como as principais empresas do clúster de transformación de produtos do mar, celebra o seu 110 Aniversario. Fai máis dun século, o 28 de Febreiro de 1904, un grupo de empresarios, todos eles con fábricas de conservas de peixe emprazadas na ría de Vigo, Daniel Rodríguez Valdés, Francisco Feu, Julián Tizón, José Dotras, Jacinto Bofill, Juan Bautista Cerqueira, Severo Lueiro e Manuel Pita, reuníronse co obxectivo de crear unha asociación pionera para a defensa dos intereses que a todos eran comúns e que se denominou Unión de Fabricantes de Conservas da Ría de Vigo.

Hoxe comprácenos ser a patronal sectorital máis antiga de Galicia e de España, a asociación conserveira é na práctica a asociación máis lonxeva de España, xa que non interrompeu a súa actividade en ningún dos acontecementos que sacudiron o convulso s. XX. Ao longo do tempo, a antiga Unión capeou o peso da historia, e soubo adaptarse aos cambios internos e alleos, nun alarde de ductilidade ao medio que lle permitiu transformarse, crecer verticalmente e espacialmente, integrando á práctica totalidade do sector conserveiro de produtos da pesca e da acuicultura, así como á empresas líderes do clúster da transformación de produtos do mar.

ANFACO-CECOPESCA conmemora as orixes da Asociación en Vigo e a súa longa traxectoria, trazando a historia que documentou o estudo fotográfico da rúa do Príncipe. Na exposición "Vigo, a cidade que xurdiu da industria conserveira" faise unha aproximación á pegada da conserva de peixe e marisco na configuración de Vigo a través da mirada de Pacheco, o arquivo documental que garda a memoria viguesa.

A industrialización de Galicia chegou da man dos empresarios conserveiros que lideraron tamén o impulso industrial da cidade, promoveron o desenvol-

vemento do porto, incentivaron directa ou indirectamente tanto a construcción naval coma a pesca, ao igual que a industria metalográfica, metalúrxica e a madeireira, e por suposto necesitaban man de obra, sobre todo feminina, alimentando a expansión urbana e a incorporación feminina ó mundo laboral. Vigo converteuse no principal centro de construcción de vapores peninsular, no principal porto e punto exportador de conservas de peixes europeo, nunha cidade aberta ao mundo.

Este grupo de capitáns industriais favoreceron o desenvolvemento urbano da cidade, promoveron a chegada da electricidade, o abastecemento de augas, os transportes, a arquitectura modernista e racionalista... e introduciron novos hábitos nos modos de vida propios "da cultura burguesa" como a práctica de deportes; o tenis, o ciclismo, o fútbol, a vela, o hóckey, ao mesmo tempo que fundaban clubs para fomentar a súa práctica como o Real Club Náutico de Vigo, Club de Campo, Aeroclub, ou clubs de carácter social como o Rotary Club de Vigo, cultivaron afeccións como a fotografía, o vídeo, e foron pioneiros na motorización de Galicia. Algunxs ocuparon cargos representativos da cidade na Alcaldía, na Cámara de Comercio, Zona Franca, e propiciaron a chegada en 1956 da factoría "Citroën" asentando os piñares do seguinte capítulo industrial da cidade.

Falar das conservas de peixe e marisco é falar da historia contemporánea de Vigo, neste caso a través das imaxes do arquivo Pacheco e do Museo ANFACO da industria conserveira.

No nome de ANFACO-CECOPESCA queremos agradecer a colaboración do Concello de Vigo para que esta exposición sexa posible, poñendo ao alcance dos cidadáns e cidadás parte da súa historia, compartindo con nós o aniversario, e festexando que o legado emprendedor continúa tan vivo no sector das conservas de peixe e marisco.

Vigo, a cidade que xurdiu da industria conserveira

A fonte fotográfica principal da exposición procede do ARQUIVO FOTOGRÁFICO PACHECO, do CONCELLO DE VIGO, sobre cuxos fondos o Museo ANFACO da industria conserveira deseñou esta mostra conmemorativa.



Do 7 de novembro ao 21 de decembro de 2014

Casa das Artes. Policarpo Sanz, 15. Vigo

Luns a venres: de 18.00 a 21.00 h.

Sábados: de 12.00 a 14.00 e de 18.00 a 21.00 h.

Domingos e festivos: de 12.00 a 14.00 h.

VISITAS GUIADAS Á EXPOSICIÓN

GRUPOS ORGANIZADOS: martes e xoves ás 11 e ás 12 h.



RESERVA PREVIA: 010.

Chamadas dende fóra de Vigo ou dende móvil: 986 810 260.

Horario do servizo 010: luns a venres de 8 a 20 h e sábados de 10 a 14h.



PERSOAS PRESENTES NA SALA: venres e sábados ás 19 h; domingos e festivos ás 12 h.



**REDE DE MUSEOS
CONCELLO DE VIGO
Casa das Artes**

**CONCELLO
DE VIGO**

